



Broj: 11-04-38-sl./16  
Sarajevo, 29.4.2016

**OSNOVNIM ŠKOLAMA U KANTONU SARAJEVO**  
**SREDNJIM ŠKOLAMA U KANTONU SARAJEVO**

n/r direktorice/direktora

**PREDMET: Prevencija vršnjačkog nasilja/asocijalnih oblika ponašanja – Kutija povjerenja, informacije, dostavljaju se**

Cijenjeni,

Ministarstvo za obrazovanje, nauku i mlade Kantona Sarajevo pokrenulo je niz aktivnosti u cilju prevencije i intervencije u slučaju asocijalnih oblika ponašanja kod djece i mladih. U proteklom periodu formirali smo više radnih grupa koje se sa različitih aspekata bave problemom vršnjačkog nasilja, te smo potpisali Protokol o saradnji sa fakultetima koji nam pružaju stručnu podršku i pomažu u pronalaženju kvalitetnijeg odgovora na pojavu neprihvatljivog ponašanja među djecom i pripremi programa prevencije vršnjačkog nasilja.

Ministarstvo je izradilo jedinstven Etički kodeks za sve zaposlene u predškolskim, osnovnim i srednjim školama u Kantonu Sarajevo, izradili smo Pravilnik o prevenciji i intervenciji asocijalnih oblika ponašanja, revidirali smo Pedagoške kartone djece/učenika koji će prema pomenutom pravilniku biti prenosivi i obavezujući od predškolskih ustanova do završetka srednje škole. Realizacijom jedinstvenog programa prevencije neprihvatljivog ponašanja od najranijeg životnog doba mogu se polučiti dugoročni rezultati.

Gore navedene mjere su dugoročne i realizirat će se kroz nastavne planove i programe, a Vlada Kantona Sarajevo naložila je hitnu mjeru u cilju prevencije vršnjačkog nasilja, a to je postavljanje **KUTIJE POVJERENJA u sve osnovne i srednje škole u Kantonu Sarajevo**. Tehnički, riječ je o kutiji, sličnoj poštanskoj, u koju će djeca, roditelji i nastavnici moći priložiti obrazac za prijavu nasilja ili nekog drugog neprihvatljivog ponašanja u školi. Informacije dobijene na ovaj način će pomoći koordinacionom timu u Ministarstvu oko planiranja budućih aktivnosti u školama, individualnih programa ili potrebnih intervencija u saradnji sa stručnom službom škole.

Postavljanje Kutije povjerenja nije novina za većinu osnovnih i srednjih škola u Kantonu Sarajevo, ali je novost da će zaposlenici Ministarstva biti odgovorni za preuzimanje sadržaja iz kutije i preuzet će koordinirajuću ulogu u rješavanju problema i eventualne prijave nasilja ili zlostavljanja u saradnji sa stručnom službom škole. Cilj postavljanja Kutije povjerenja je da se svim učenicima, nastavnicima i roditeljima omogući da i na ovaj način prijave eventualno nasilje u školi ili neki drugi neprihvatljiv oblik ponašanja. Također, želimo osnažiti učenike, roditelje i nastavnike koji nisu spremni da govore otvoreno o svom problemu u vezi nasilja/zlostavljanja, da iskoriste mogućnost prijave putem Kutije povjerenja.



Molimo direktore/ice škola da obezbijede postavljanje Kutije povjerenja na vidno mjesto u školi, kao i da pored pomenute kutije uvijek bude dovoljan broj Obrazaca za prijavu nasilja/neprihvatljivog ponašanja u školi. Također, na web stranicu škole obavezni ste postaviti Obrazac za prijavu nasilja kao i uputu o načinu korištenja Kutije povjerenja.


O pitanjima i eventualnim prijavama nasilja kao i o mjerama koje će se poduzeti zajedno će odlučivati stručna služba škole i zaposlenici ministarstva, dok pedagog/psiholog škole ima obavezu na oglasnu ploču postaviti kratki odgovor o toku rješavanja problema ili prijavljenog slučaja nasilja.

Neophodno je da učenicima i roditeljima date uputstvo da su obavezni na Obrazac za prijavu upisati razred i odjeljenje koji pohađaju, odnosno razred i odjeljenje koje njihovo dijete pohađa.

**Na kraju Vas želimo informisati da sandučić (Kutiju povjerenja) možete pruzeti u periodu od srijede 04. 05. 2016. godine do petka 20. 05. 2016. godine od 12:00 do 14:00 sati (Nedžarići, ulica Aleja Bosne Srebrene bb), šesti sprat blok B soba broj 608.**

Obrazac za prijavu nasilja/neprihvatljivog ponašanja u školi Vam dostavljamo u prilogu e-maila.

S poštovanjem,



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1



## OBRAZAC ZA PRIJAVU NASILJA/NEPOŽELJNIH OBLIKA PONAŠANJA U ŠKOLI

Dragi učenici, roditelji i nastavnici,

u školi se nalazi Kutija povjerenja u koju možete priložiti Obrazac za prijavu bilo kojeg oblika nasilja ako ste mu izloženi ili ste mu svjedočili, kao i za prijavu drugih nepoželjnih oblika ponašanja u školi.

Na ovaj način želimo da dobijemo informacije o Vašim problemima, kako bismo Vam mogli pomoći. Prilikom popunjavanja obrasca niste obavezni upisati Vaše ime i prezime.

NAZIV ŠKOLE I ODJELJENJE: \_\_\_\_\_

OPIS PROBLEMA/SITUACIJE:

---

---

---

---

---

---

---

---

---

---

DATUM : \_\_\_\_\_